

河南府志卷之七十四

古蹟志二十

陵墓三

偃師 鞏縣 孟津 宜陽 登封 永寧
新安 澠池 嵩縣 冢墓附

商伊尹墓

史記殷本紀伊尹卒葬伊尹于亳 **李通志**伊

尹墓在偃師縣西北八里

按史記注皇覽曰伊尹冢在濟陰己氏平利鄉亳近己氏是亦指南亳爲言不知實西亳也通志固不謬耳

商伯夷叔齊墓

李通志墓在偃師縣西北首陽山夷齊孤

竹君之子

按夷齊墓偃師有之蒲阪亦有之者皆依首陽山爲據也四書釋地曰正義首陽山有五所王伯厚攷曾子書以爲在蒲阪舜都者得之余謂莫徵信於酈注然已兩說互存解云河北縣雷首山有夷齊廟闕駟十三

河南府志

卷之七十四

陵墓三

州志曰山一名獨頭山夷齊所隱也山南有古冢陵栢蔚然攢茂邱阜俗謂之夷齊墓又云平縣故城有首陽山春秋所謂首戴也夷齊之歌所矣曰登彼西山上有夷齊之廟蓋莫能定爾總之認餓爲失國而餓兩地皆可通跡認餓爲耻食用粟則寧死乎唐虞揖遜區不知耻食周粟者必無之事也據閭氏空意以爲論語經文言餓不言餓死故以餓爲讓國而餓非耻食周粟而餓如是則首陽下宜無二子墓矣然論語以齊景夷齊對言而以死後之稱不稱爲異則太史公采歲時死之說其必有自來也即欲據歌中黃農虞夏之語謂首陽宜在蒲阪不在偃師亦非通論夫偃師殷之故都也夷齊叩馬正在水渡河之前其既諫而去也徘徊故都采薇西山地應不相遠則偃師二子之墓何得徑指爲非哉○又按水經注濡水下孤竹城史記曰孤竹君之二子伯夷叔齊讓國於此而餓死于首陽漢靈帝時遼西太守廉翻妻人謂已曰余孤竹君之子伯夷之弟遼海漂吾棺卽聞君仁善願見藏覆明日視之水上有浮棺矣嗤笑者皆無疾而死於是改葬之蓋夷齊讓國而去國人立中子墓非叔齊墓也

周萇宏墓

郡國志注皇覽曰雒陽縣東北山萇宏冢

通志萇宏墓在偃師縣東以范中行氏之難見殺葬此唐

柳宗元有弔文

按孔子入周問樂萇宏蓋周賢大夫也萇宏城成周本忠子周而晉人以爲違天不祥則殺萇宏者非周人意晉人意也血化爲碧精誠所致事雖不經理所時有今墓在偃師東十里化村西北山上化村者因化碧生稱也皇覽以爲在雒陽東北山者蓋魏時洛陽所屬直至偃師東故皇覽云然

漢田橫墓

史記田橫與其客二人乘傳詣雒陽至尸鄉遂

自到高帝爲之流涕發卒二千人以王者禮葬田橫既葬二客穿冢旁孔皆自到下從之

李通志墓在偃師縣西

漢桓榮墓

後漢本傳榮疾篤帝幸其家問起居入街下車

河南府志

卷之七十四

古蹟志

二

陵墓三

擁經而前撫榮垂涕賜以牀茵帷帳刀劍衣被良久乃去自是諸侯將軍大夫問疾者不敢復乘車到門皆拜牀下榮卒帝親自變服臨喪送葬賜冢塋於首山之陽

注首陽山在偃師縣西北

按謝承書曰何湯字仲弓榮門徒常四百餘人湯爲高弟以才明知名榮年四十無子湯乃去榮妻爲更娶生三子榮甚重之後湯以明經當授太子推薦榮榮拜五更封關內侯榮嘗曰此皆何仲弓之力也

魏鍾繇墓

李通志墓在偃師縣東繇太傅善書

魏王弼墓

水經注尸鄉澤野負原夾郭多墳隴焉卽陸士

衡會王輔嗣處也袁氏王陸詩敘機初入洛次河南之偃師時忽結陰望道左右民居者因往退宿見一少年咨

端遠與機言元機服其能而無以酬機題緯古今綜簡名實此少年不甚欣解將曉去稅駕姬曰君何宿而來自東數十里無村落上有山陽王家墓機乃怪悵還睇昨路空野昏霾雲攢蔽日知所遇者審王弼也

按王弼墓據水經注在偃師縣西尸鄉而今縣東三里
有王弼墓者乃金元以後所立墓碑非其實也碑有二
一爲金顯忠尉行河南府偃師縣主簿兼尉無于淵所
立一大書偃師伯王輔嗣之墓八字碑陰有元陳思忠
記蓋金元後不知王弼墓在偃師尸鄉而遂誤以偃師東大冢當之也

晉杜預墓 晉書本傳預先爲遺令曰吾去春入朝因郭氏喪亡緣陪陵舊義自表營洛陽城東首陽之南爲將來兆域而所營中有小山上無舊冢其高顯雖未足比邢山然

河南府志

卷之十四 古蹟志

三

陵墓三

東奉二陵西瞻宮闕南觀伊洛北望夷叔曠然遠覽情之所安也故遂表樹開道爲一定之制至時皆用洛水圓石開隧道南向儀制取法於鄭大夫欲以儉自完耳棺器小斂之事皆當稱此子孫一以遵之

按墓在偃師西
十餘里土塋村

晉鄭仲林墓 水經注休水逕緱氏城西水之西南有晉城門校尉昌原恭侯鄭仲林碑晉皇始六年立

晉重人穴 水經注鄴水世謂之溫水泉水側有重人穴穴中有僵尸戴延之西征記曰有此尸尸今猶在夫物無不化之理竟無不遷之道而此尸無神識事同木偶之狀喻

其推移未若正形之速遷矣

唐許遠墓

〔李通志〕墓在偃師縣西遠睢陽太守與張巡同

死國難者

按昌黎張中丞傳後敘曰遠雖才不及巡開門納巡位本在巡上授之柄而處其下城陷而虜與巡死先後異耳蓋遠死于偃師遂葬于偃師本與張巡同一不屈非姑就虜以求生也

唐顏真卿墓

〔地輿記〕顏真卿墓在偃師碑陰刻米芾書云

公之使賊也謂餞者曰吾昔江南遇道士陶八八授以刀圭碧霞服之可不死且云七十後有大厄當會我於羅浮後公葬偃師北山有賈人至南海見道士奕託書至偃師顏家及造訪則塋也守冢蒼頭識公書大驚家人卜日開壙棺已空矣

河南府志

卷之七十四

古蹟志

四

陵墓三

按本傳公爲盧杞所陷使李希烈數爲希烈挫辱至拘真卿守以甲士掘方丈坎於廷傳將阮之真卿見希烈曰死生分也何多爲乃拘送真卿蔡州真卿度必死乃作遺表墓誌祭文指寢室西壁下曰此吾殯所也竟爲希烈所害後淮蔡平子顏頤護喪還帝廢朝五日贈司徒諡文忠天下不稱其名字而曰魯公公之節在千古而世顧以神仙之事稱之固儒者所不道也墓在偃師城東北山下通志以爲在縣西誤

唐王光謙墓

〔文苑英華〕權德輿撰神道碑畧云光謙贈右

僕射葬於河南府偃師縣卽山之陽

唐趙憬墓

〔文苑英華〕權德輿撰神道碑畧云太子太傅貞

憲趙憬窆於河南緱氏縣景山之原

唐崔倕墓

〔文苑英華〕贈太師崔倕神道碑云葬於成周之

偃師從世墓也

按宰相世系表僅作陞金石攷崔僅碑會昌元年劉禹錫撰柳公權書

唐武就墓 文苑英華權德輿撰神道碑畧云貞元六年就卒以明月之晦降體魄于卽山北原有靈鶴百數徊翔嘹唳後改葬緱氏潁川王之兆從先封以敘昭穆禮也

唐劉知柔墓 文苑英華李邕撰神道碑畧云開元十一年薨于東都康俗里制曰簪纓舊德楨幹通才宜寵贈章式旌泉壤可贈太子少保諡曰文塋於河南府緱氏縣景文一山原禮也

唐王同暉墓 文苑英華孫逖撰神道碑畧云皇上以公春河南府志 卷之七十四 古蹟志 五 陵墓三

華秋實之稱著于兩宮故贈以太子詹事飾終之禮厚莫重焉有司以公天經地義之德冠乎百行故諡之曰孝易名之典善莫大焉

唐王太僕墓 文苑英華張九齡撰太僕卿上柱國華容縣男王府君墓誌畧云薨於洛陽之陶化里塋于偃師之某原却倚首陽前瞻洛汭豈伊瑕邱之樂並取邢山之兆

按太僕墓誌舊志誤入碑記

唐李贊善墓 文苑英華常袞撰墓誌畧云西涼有武昭之諡後魏有姑臧之封祚于我唐親則同姓開元中李商隱表公清白遷太子右贊善終于東京崇政里塋于偃師縣

東姑臧公之塋次

唐裴御史墓

〔文苑英華〕穆員撰墓誌畧云嗚呼有唐君子

河東府君之墓元魏河北太守萬虎兄弟三人時稱三虎並仕於魏魏都河洛故裴氏始有中眷之號公萬虎八代孫爲監察御史卒塋于首陽山之陽

唐馬秘監墓

〔文苑英華〕李勣撰墓誌畧云公諱某字盧符

官秘書少監又加史館修撰以纂錄自樂爲事撰歷代紀錄類史鳳池錄纂寶折桂錄新羅紀行將相別傳及所爲文總四百八十八卷卒塋于偃師從先塋也

唐邢渙思墓

〔文苑英華〕杜牧撰墓誌畧云亡友邢渙思諱

河南府志

卷之七十四

古蹟志

六

陵墓三

羣仕歙州刺史爲治急於束縛黠吏冗事繁政不以久遠必務盡根本卒於東都思恭里塋於偃師某原

唐元盛墓

〔文苑英華〕穆員撰墓誌畧云河南兵曹元公盛

卒於東都綏福里塋於偃師首陽山之北原

唐徐申墓

〔文苑英華〕權德輿撰墓誌畧云東海郡開國公

贈太子少保徐公寧神於偃師縣之某原

唐盧東美墓

〔昌黎文集〕考工員外盧君墓銘畧云盧君東

美有友四人天下謂之四夔墓在河南緱氏縣梁國之原

唐房武墓

〔昌黎文集〕與元少尹房君墓誌畧云房故爲官

族自太尉瑄以德行爲相世號爲太尉家公會祖太尉之

叔父也父諱武與夫人合葬河南緱氏之高龍原

按舊志有贈隴西開國公黃公墓又有贈太師諡忠齊王張繼祚墓俱在高龍保

唐畢垌墓 昌黎文集唐故河南府王屋縣尉畢君墓誌銘

畧云畢憬之子構累官至吏部尚書是為景公景公生抗為廣平太守抗安祿山城陷覆其宗贈戶部尚書尚書生垌垌從葬偃師之土婁

唐張圓墓 昌黎文集河中府法曹張君墓誌銘云葬河南

偃師

唐竇叔向墓 李通志墓在偃師縣西石橋保叔向左拾遺持節舒州諸軍事

河南府志

卷之七十四

古蹟志

七

陵墓三

按金石補遺叔向神道碑在蔡莊廟內作供几蔡莊即寺莊保也通志於叔向墓謂在石橋於叔向子牟墓謂在寺莊不知昌黎撰牟墓誌乃稱叔向墓次牟墓既在寺莊叔向墓在寺莊無疑矣謂在石橋者誤

唐竇牟墓 昌黎文集國子司業竇公墓誌云葬河南偃師

先公尚書之兆次

唐薛戎墓 昌黎文集故朝散大夫越州刺史薛公墓誌云葬於河南偃師先人之兆次以韋氏夫人祔

唐徐嶠之墓 通志金石畧西京有洛州刺史徐嶠之碑

金石攷墓碑天寶八年李邕撰在偃師

按金石畧所載西京墓碑有八偃師者從金石攷錄出下併同

唐徐浩墓 通志金石畧西京有彭王傅贈太子少師徐浩

碑 〔金石攷〕墓碑貞元十五年張式撰在偃師

唐武登墓 〔通志〕金石畧西京有江陰縣令武登碑長慶三年

唐武儒衡墓 〔李習之全集〕兵部侍郎贈工部尚書武公墓誌銘畧云父登江陰令贈禮部侍郎公之喪歸祔河南緱氏禮部先公之墓次

唐趙道光墓 〔通志〕金石畧西京有洪州錄事叅軍贈趙州

刺史趙道光碑 〔墨池編〕唐緱氏有趙道光碑

唐趙昌墓 〔通志〕金石畧西京有少保趙公碑 〔金石攷〕趙

昌墓碑在偃師

唐李衆墓 〔通志〕金石畧西京有左散騎常侍致仕李衆碑

河南府志 〔卷之七十四〕古蹟志

八

陵墓三

〔金石攷〕墓碑元和十三年李絳撰在偃師

唐顧少連墓 〔通志〕金石畧西京有兵部尚書東都留守顧

少連碑 〔金石攷〕墓碑在偃師

唐徐昕墓 〔通志〕金石畧西京有萬年縣令徐昕碑 〔金石

攷〕墓碑大歷四年韓雲卿撰在偃師

唐李固言墓 〔金石攷〕贈太尉李固言碑大中六年李珣撰

在偃師

唐許康佐墓 〔金石錄〕偃師禮部尚書許康佐碑書撰人姓

名殘缺

唐崔邸墓 〔金石攷〕墓碑在偃師

唐裴曹墓

金石攷墓碑在偃師

唐李吳墓

金石攷權德輿所撰右僕射李吳墓銘在偃師

唐蔣真墓

金石攷崔祐輔所撰汝南公蔣真墓銘在偃師

唐崔廣墓

金石攷李孝嗣所撰臨洛縣尉清河崔廣墓銘

在偃師

唐盧顥墓

金石攷盧顥所撰許州叅軍盧顥墓銘在偃師

唐李珣墓

李通志墓在偃師縣西寺莊保珣淮陽節度使

贈司空諡貞穆

唐燕欽融墓

唐書中宗紀景龍四年五月丁卯殺許州司

戶叅軍燕欽融

河南府志

卷之七十四

古蹟志

九

陵墓三

按偃師志韋后預政欽融發其事中宗詔融面訊命杖之宗楚客令衛士加刃致死睿宗立詔贈諡議大夫備禮改葬又攷縣東十里舖北廟內供凡有宋燕府君神道碑稱宋神宗時人世居范陽來偃省十一世祖唐許州司戶叅軍燕欽融墓宋人建會聖宮逼近墓乃遷于靈龜山東北去周襄宏墓七百九十一歩西去王彌墓五里十

唐范陽太君盧氏墓

杜工部全集盧氏墓誌畧云故修文

館學士著作郎京兆杜府君諱某

審

之繼室范陽縣太君

盧氏卒於陳留郡之私第歸葬於河南之偃師入著作之

大塋在縣首陽之東原我太君用甲之穴禮也墳南去大

道百二十歩奇三尺北去首陽山二里塋內西北去府君

墓二十四歩則壬甲可知矣

按舊志偃師有唐褚遂良歷代墓偃志辨曰唐書本傳遂良既死愛州卽寔於彼二男一孫禍成邇九年詔訪其後護喪歸塋陽翟唐人有詩紀其事卽謂在偃者爲褚氏先世祖塋又攷其父褚亮傳亮父玠曾祖澄世爲杭人皆有名梁陳間亦無北塋之說今於偃師唐人墓不列褚氏附見其說於此

五代葛從周墓 墓碑貞明二年張璠奉勅書

按五代史本傳梁太祖時從周屢以軍功拜左金吾衛上將軍以疾致仕拜右衛上將軍居于偃師末帝卽位拜昭義軍節度使封陳留郡王食其俸于家卒贈太尉今墓在淮廟村西人遂誤爲淮陰侯墓

宋劉絢墓 宋史絢字質夫事二程先生李通志墓在偃

師縣北絢太學博士

宋尹副使墓 金石攷偃師有崇信軍節度副使尹公墓表

至和元年韓琦撰

河南府志

卷之七十四

古蹟志

十

陵墓三

按偃志縣西有朱光庭墓縣東有范祖禹墓朱偃師人故塋偃師至范祖禹史稱貶昭州別駕安置永州徙賀州又徙賓化而卒其塋偃也無可攷志以爲正德間有人毀其志云

金程德元墓 李通志墓在偃師縣南少微保德元大中

大凡四世三十八墓俱附

元程震墓 元遺山集御史程君墓表畧云震字威卿父德

元用君貴封大中大夫雷內翰淵述世德之舊備矣子八

人君其三子卒附于金昌府芝田縣某里太中君之新塋

禮也

按程氏塋在今緱氏東程家村東據元好問墓表稱太中大夫而舊府縣志俱以爲少中大夫似誤又金石攷程氏塋中尚有王思廉所撰墓碑與雷淵元好問所撰凡三碑

元陳天祥墓

〔李通志〕墓在偃師縣西南緱氏保天祥中書

省平章諡文忠

按偃志陳氏塋在蔣村又有嘉議大夫陳孟溫墓秘書監丞陳用忠墓用忠墓乃陳思忠誌

元李景昌墓

〔李通志〕墓在偃師縣西景昌光祿大夫封梁

國公

杳冥君墓

〔金薤琳琅〕杳冥君銘集古錄不載歐陽公蓋未

之見趙氏金石錄雖列其目而云無書撰人姓名則亦不知其爲記也讀陳子昂集見其杳冥君墳記云皇帝因登緱山望少室尋古靈跡得王子晉之遺墟在休水之層曲欲開石室營壽宮庀徒方輿得古藏焉內有甃瓦長二丈

河南府志

卷之卅四

古蹟志

十一

陵墓三

二尺濶八尺中有古劍一銅椀一瓦器二又有古五銖錢朱漆片及棖撥之應手灰滅卽具物備容還定舊墳哀其銘志磨滅姓位不顯乃錫之名曰杳冥君云觀子昂文則墳嘗發於武氏拊而錫之以名亦武氏也但薛稷云杳冥此曰杳冥無二義也

按杳冥君不知何代人故附於偃師後然以五銖錢文觀之恐是漢時人也

以上偃師

漢黃霸墓

〔漢書本傳〕黃霸陽夏人自漢興言治民吏曰霸

爲首爲丞相五歲甘露三年薨諡曰定侯

按霸陽夏人爲丞相後徙杜陵而霸志芝田鎮有黃霸墓不知何據

漢岑彭墓

〔後漢書本傳〕彭征蜀所營地名彭亡聞而惡之

欲徙會日暮蜀刺客詐爲亡奴降夜刺殺彭彭首破荆門
長驅武陽持軍整齊秋毫無犯叩穀王任信聞彭威信數
千里遣使迎降會彭已薨帝盡以任所貢獻賜彭妻子諡
曰壯侯

按鞏縣有岑彭溝縣志以爲彭墓在焉

晉潘岳墓

〔水經注〕羅水又西北逕潘岳子父墓前有碑
岳父茆瑯琊太守碑石破落文字缺敗

晉潘岳墓

〔水經注〕岳碑題云給事黃門侍郎潘君之碑碑
云君遇孫秀之難闔門受禍故門生感覆醢以增慟乃樹
碑以記事太常潘尼之辭也

河南府志

卷之十四

古蹟志

三

陵墓三

晉三田冢

〔李通志〕冢在鞏縣西有三冢相傳墓田真田廣
田慶

按鞏志以三田爲
隋人葬在宅里門

唐杜甫墓

〔溫公詩話〕杜甫終於耒陽薨葬之至元和其孫
始改葬於鞏縣

按偃志據元微之撰墓銘以工部墓爲在首陽山前當
陽侯之墓次而鞏縣康家店卽山上有工部墓志遂以
爲始葬偃而復遷鞏今攷微之作墓誌時乃途次荆楚
據譜謂當葬當陽侯之墓次其實歸葬于鞏不葬於偃
也又冢旁有二冢縣志
以爲宗文宗武附葬云

宋遂國公墓

〔李通志〕墓在鞏縣西南遂國公太宗孫謚昭
裕 〔金石攷〕皇從侄衛州防禦使遂國公墓銘嘉祐五年

歐陽修撰

宋高密侯墓

〔李通志〕墓在鞏縣西南高密太宗曾孫

〔金〕

石攷高密侯墓河南永安縣修爲撰銘

按金石攷據歐陽集載皇從侄筠州團練使安陸侯康州刺史高密侯右監門衛將軍廣平侯皇從孫監門衛將軍右屯衛大將軍武當侯右監門衛將軍夫人周氏右監門衛將軍夫人金堂縣君錢氏武昌縣君郭氏東陽縣君鄭氏俱墓河南永安縣修各爲撰銘又據溫公集載華陰侯仲連墓銘右屯衛大將軍令邦墓銘及皇從侄石屯衛將軍士虬墓記皆在永安縣今其墓俱不可確指錄之以備參稽

宋吳王顥墓

〔東都事畧〕英宗次子吳王顥薨年四十七哲

宗哭之慟成服苑中贈尚書令兼中書令諡曰榮顯薨之五日以月朔應視朝于文德殿哲宗以顥未成服改視垂

河南府志

卷之二十四

古蹟志

三

陵墓三

拱云顯通經史工飛白善鼓琴神宗臨御久友愛彌篤哲宗尊禮尤隆既薨葬于永厚陵之北徽宗卽位追封吳王

宋趙普墓

〔東都事畧〕太宗謂近臣曰趙普國初元勛先帝

與朕最爲舊故能斷大事盡忠國家真社稷之臣聞其殂謝悽愴之懷不能已因出涕左右皆感慟贈尚書令封真定郡王諡曰忠獻太宗撰神道碑親八分書以賜之遣右諫議大夫范杲攝鴻臚卿護喪事葬日設鹵簿鼓吹如式舉唐制也

〔李通志〕墓在鞏縣西

宋高懷德墓

〔東都事畧〕懷德尚宣祖女燕國長公主加駙

馬都尉卒年五十七贈中書令渤海郡王諡曰武穆

〔李〕

通志墓在鞏縣西南懷德歸德軍節度使

宋寇準墓

東都事畧準貶雷州司戶叅軍太宗嘗得通犀

命工爲二帶一以賜準及是準遣人取自洛中至數日具

朝服被帶北面再拜呼左右起設卧具就榻而卒年六十

三都前歸葬西京李通志墓在鞏縣西準没于雷州詔

許歸葬西京卽此仁宗題其額曰旌忠

按萊公墓在鞏縣西南寇
宗墓蓋陪葬真宗陵也

宋包拯墓

東都事畧拯拜禮部侍郎樞密副使終于位年

六十四贈禮部尚書諡曰孝肅

按鞏縣西南後泉溝有孝
肅墓亦陪葬真宗陵也

河南府志

卷之十四 古蹟志

古

陵墓三

元張恩墓

李通志墓在鞏縣西南坊郭保恩安撫使金

石攷鞏縣有元清河郡侯張公神道碑至元口年歐陽元

撰

以上鞏縣

周冉伯牛墓

李通志墓在孟津縣西舊清河城耕孔子弟

子

按孟津志據文獻通考伯牛魯人墓在山東東平州又
輿圖秘考伯牛洛人直隸永平縣亦有伯牛墓而孟津
沿稱旣久姑
依通志存之

漢樊噲墓

前漢書本傳噲還至滎陽益食平陰二千戶呂

將軍守廣武

按孟津古平陰也噲食平陰二千戶故今孟津樊山下
有噲墓然噲又封舞陽侯通志載噲墓在舞陽縣北二

十四里可
兩存之

漢梁孝王墓

漢書文三王傳梁孝王北獵梁山有獻牛足

上出背上孝王惡之六月中病熱六日薨

按孟津志東關有梁孝王墓他無所見攷前漢書注張晏曰足當處下所以輔身也今山背上象孝王背朝而干上也北者陰也又在梁山明爲梁也牛者丑之畜衝在六月北方數六故六月六日王薨也

晉裴氏塋

水經注灋水出梓澤中澤北對原阜卽裴氏墓

塋所在碑闕存焉

按道元水經注裴氏墓塋在灋水源之北今其地入孟津據孟津志魏裴潛墓在輝彰溝魏志潛河南尹丁如五年薨追贈太常諡曰貞侯遺令儉葬墓中惟置一坐瓦器數枚其餘一無所設子秀晉書本傳列秀子顯秀從弟楷楷子與憲楷弟綽且曰裴王二族盛於魏晉之世時人以爲八裴方八王徽比王祥楷比王衍康比王綏綽比王澄瓚比王敦遐比王導顯比王戎邈比王元云而洛陽朝市圖有裴楷墓卽水經注所謂裴氏墓塋蓋梓澤北原舊屬洛陽今乃入孟津耳不但列裴潛裴楷墓者以水經注旣曰裴氏墓塋則塋中固不獨裴潛裴楷二人墓也

河南府志

卷之七十四

古蹟志

五

陵墓三

唐穆寧墓

文苑英華穆員撰元堂誌畧云公棄養于東都

歸義里嗣子贊洎質員賞奉遷靈座附曾王父母于偃師

首陽山之北原公嘗避亂奔行在轉秘書少監

按首陽山北原今入孟津穆員又撰河東郡太夫人裴氏墓誌云歸于首陽山北原先公之居孟雖合窆而實二誌云

以上孟津

戰國韓昭侯墓

李通志墓在宜陽縣西周顯王時諸侯

按宜陽爲古韓地故昭侯墓在焉而縣志又以爲有張良墓則未免附會耳

三國魏二杜墓

〔李通志〕墓在宜陽縣西杜畿尚書左僕射

杜恕幽州刺史俱葬此

按宜陽志墓在韓城

唐獨孤通理墓

〔文苑英華〕獨孤及撰墓表畧云朝散大夫

贈秘書監獨孤通理先寔於洛陽龍門山後葬伊水西甘

泉鄉之原

唐獨孤及墓

〔文苑英華〕崔祐甫撰神道碑畧云有唐碩量

深識之士曰獨孤常州諱及字至之贈秘書監通理之第

四子葬於河南府壽安縣某原先秘監之塋

唐獨孤郁墓

〔昌黎全集〕獨孤郁墓志銘畧云常州刺史贈

河南府志

〔卷之七十四〕古蹟志

七

陵墓三

禮部侍郎憲公諱及之第二子遷秘書少監卒贈絳州刺

史葬河南壽安之甘泉鄉家塋憲公墓側

按壽安今宜陽地金石攷入洛陽誤

宋尹源墓

〔歐陽文集〕太常博士尹君墓志銘畧云君諱源

字子漸卒于官至和元年其子材葬君于河南府壽安縣

甘泉鄉龍洲里其平時所爲文章六十篇皆行於世

宋尹洙墓

〔歐陽文集〕尹師魯墓誌銘畧云師魯河南人天

下之人識與不識皆曰師魯客其喪于南陽不能歸平生

故人無遠邇皆往賻之然後妻子得以其柩歸河南葬于

先塋之次

按師魯兄源墓誌云文諱仲宣官至虞部員外郎其父之墓則尹氏父子兄弟皆歐公撰墓銘也又攷餘冬序錄云歐陽永叔為師魯作墓銘與尹材書曰刻石時首尾俱不要留官銜題目及撰人書人刻字人姓名晉以前皆不著撰人姓名此古人有深意久遠自知象蓋祇著尹君師魯四字

宋張思叔墓 詳宅里門

按宜陽志思叔墓在東店七里

元賈辛墓 李通志墓在宜陽縣東北石村保辛晉寧路總管封武威郡侯

元郭實美墓 李通志墓在宜陽縣西韓城保實美總管

按宜陽志唐代有段志賢墓在段村西附見于此

以上宜陽

河南府志 卷之七十四 古蹟志 七 陵墓三

許由冢 史記太史公曰予登箕山其上蓋有許由冢云

巢父墓 李通志墓在登封縣東南四十里巢父堯時隱者

夏啟母墓 帝王世紀陽城有啟母冢 李通志墓在登封

縣西

按啟母既有墓則淮南化石之說不辨而知其謬矣意陽城啟母墓傍有石破裂後人遂附會而生石破生啟之說如是則啟母墓宜近啟母石而李濂志以為在登封西今亦無可考

周頴考叔墓 見縣志

按李濂通志頴考叔墓在襄城縣東北而登封志以為在縣西翟峪溝夫翟峪古頴谷也考叔常為頴谷封人墓不必在頴谷也當以襄城為是

後魏京兆王墓 魏書京兆王子大興病請為沙門詔皇太